

boso, foliis inferioribus longe pedunculatis sub anthesi emarcidis cæteris brevius petiolatis a basi cordatâ hastato-ovatis vel triangularibus repandis inferioribus obtusis cæteris acuminatis, ramis corymbi elongatis 1-3-cephalis pedunculis crassiusculis, capitulis majusculis, involuci nigri glaberrimi phyllis imbricatis obtusis ab externis brevissimis ad interiora sensim auctis, flosculis luteis, acheniis brevibus subcompressis obsolete sub-quinquestriatis facie internâ carinatis apice vix angustatis, pappi albi setis achenio sublongioribus ♀. *Crepis abietina* Boiss. et Bal. in Bal. exs. 1866.

Hab. in sylvis Abetis Orientalis supra Khabackar Ponti Lazici 6600' (Bal !). Fl. Sept.

Tripedale, folia 4-5 pollices longa basi 3-4 lata, capitula ovata, achenia vix sesquilineam longa. Inter *Crepidem* cujus faciem habet et *Mulgedium* intermedium, pappi setæ eis hujus generis minus fragiles, huic tamen ob achenia compressa coronulâ persistente superata adnumerandum videtur.

### PRENANTHES (L. Gen. 941 excl. spec.).

Capitulum pauciflorum. Involucrum subcalyculatum. Receptaculum nudum. Achenia conformia subcompressa subtrigona erostria apice non attenuata. Pappi setæ pluriseriales conformes. — Herba perennis elata.

1. **P. purpurea** (L. Sp. 1121) glabra, caule elato tereti folioso ramosissime et ample paniculato, foliis membranaceis subtus glaucescentibus acutis inferioribus ovatis et oblongis dentatis vel sinuatis in petiolum alatum contractis, superioribus a basi rotundatâ auriculatâ oblongis et lanceolatis integris, paniculæ ramis inferioribus axillaribus omnibus ramulosis, pedicellis tenuissimis capitulo cernuo quinquefloro tenuiter cylindrico subbrevioribus, involuci nigricantis phyllis subcarinatis externis ovato-oblongis internis linear-lanceolatis, flosculis purpureis, acheniis albidis levibus bæsi subattenuatis apice truncatis subcompressis dorso convexis obsolete 2-3-nerviis ventre carinatis, pappo albo ♀. Ic. Jacq. Austr. tab. 317.

Hab. in sylvis montanis, regio media Olympi Thessali (Heldr!), Macedoniae orientalis (Friv.), Daghestaniæ superioris 6000' (Rupr!).

**β. angustifolia** Koch Syn. — Folia anguste lanceolato-linearia et linearia. — **P. tenuifolia** L. Sp. 1120.

Hab. in regione alpinâ Guriæ in Transcaucasiâ (Nordm., Ledeb.).

**Ar. Geogr.** Europa media et australis a Galliâ et Germaniâ mediâ ad Rossiam medium.

### LACTUCA (L. Gen. 909).

Capitulum multiflorum vel quinqueflorum. Involucrum imbricatum interdum subbiseriale. Receptaculum nudum. Achenia conformia a

dorso compressa apice in rostrum distinctum vel breve, robustum vel filiformi-capillaceum. concolor vel album abeuntia. Pappus pilosus disco ad apicem rostri sito insidens. — Herbae monocarpicæ vel perennes, rarius suffrutescentes, floribus luteis vel cœruleo-violaceis, habitu vario.

*Specierum Orientalium distributio.*

§ 1. **Tuberosæ.** Capitula magna pluriflora. Achenia magna valde compressa utrinque subuninervia vel obsolete trinervia abrupte et saepius longe rostrata. Pappus persistens. Radix tuberosa biennis.

*L. Cretica, tuberosa, Persica, crambifolia, picridiformis.*

§ 2. **Scariolæ.** Capitula mediocria pluriflora. Achenia compressa utrinque 5-9-nervia abrupte rostrata. Pappus a disco cito deciduus. Radix verticalis fusiformis vel tenuis.

\* Biennies.

*L. sagittata, stricta, Wilhelmsiana, virosa, Scariola, aculeata, saligna*

\*\* Perennis.

*L. scarioloides.*

§ 3. **Alpinæ.** Capitula mediocria pluriflora. Achenia compressa utrinque 1-vel trinervia abrupte rostrata. Radix perennis.

\* Pappus persistens.

*L. brassicæfolia, intricata, Græca.*

\*\* Pappus deciduus.

*L. polyclada, glareosa.*

§ 4. **Micranthæ.** Capitula minuta 10-12-flora. Achenia compressa utrinque 1-3-nervia abrupte longe et tenuissime rostrata.

\* Biennis. Pappus persistens.

*L. rosularis.*

\*\* Annuæ. Pappus a disco cito solutus.

*L. undulata, glaucifolia, auriculata.*

§ 5. **Mulgedioideæ.** Capitula pluriflora. Achenia compressa